

- h) prestane mu radni odnos u Zavodu, a imenovan je za člana Upravnog odbora Zavoda iz reda stručnih radnika Zavoda,
- i) ako član upravnog odbora imenovan iz reda stručnih radnika Zavoda učini težu povredu radne dužnosti
- j) imenovanjem za direktora zdravstvene ustanove koja ima status pravne osobe,
- k) neopravdanim izostankom sa dvije ili više sjednica Upravnog odbora uzastopno ili sa više sjednica u toku uzastopnih šest (6) mjeseci.
- l) bude uposlen na drugoj izabranoj poziciji koja može utjecati na eventualni sukob interesa i
- m) smrću"

U istom članu dodaje se stav (9) koji glasi:

- "(9) U slučaju da dođe do prijevremenog razrješenja predsjednika, člana odnosno članova Upravnog odbora, Vlada Kantona Sarajevo će istovremeno imenovati v.d. predsjednika i v.d. članove Upravnog odbora, dok se ne provede zakonska procedura imenovanja".

Član 3.

U članu 30. stav (4) Statuta mijenja se i glasi:

- "(4) Direktor Zavodu ima sva ovlaštenja u pravnom prometu u okviru djelatnosti Zavoda upisane u sudski registar, uz ograničenja utvrđena ovim Statutom.

- a) Direktor Zavoda raspolaže finansijskim sredstvima utvrđenim Finansijskim planom Zavoda usvojenim od strane Upravnog odbora na koji suglasnost daje Osnivač.
- b) Direktor Zavoda u skladu sa finansijskim planom Zavoda i Planom nabavki Zavoda, samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000 KM, a za nabavku radova čija je vrijednost procijenjena do iznosa 80.000 KM
- c) Za zaključivanje pojedinačnih ugovora čija je vrijednost procijenjena na iznose preko 50.000 KM za nabavku roba i usluga, odnosno preko 80.000 KM za nabavku radova, Direktor Zavoda je potrebna prethodna suglasnost Upravnog odbora Zavoda.
- d) Za finansijska sredstva koja se odnose na plaće zaposlenika i druga prava zaposlenika iz radnog odnosa koja nemaju karakter plaće, direktor Zavoda odlučuje u skladu sa Finansijskim planom Zavoda, Pravilnikom o radu Zavoda i drugim općim aktima kojima su regulisana prava iz radnog odnosa.
- e) Za finansijska sredstva koja se odnose na isplate po osnovu: edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, direktor Zavoda može samostalno odlučivati za svaki pojedinačni vid izdataka u iznosu do 5.000 KM a za iznose preko 5.000 KM potrebna mu je prethodna suglasnost Upravnog odbora Zavoda, u skladu su Finansijskim planom Zavoda, Pravilnikom o radu Zavoda i drugim općim aktima kojima je regulisana naprijed navedeno."

Član 4.

U članu 32. Statuta Javne ustanove Zavod za hitnu medicinsku pomoć Kantona Sarajevo dodaje se novi stav 3. koji glasi:

- "(3) Kandidat koji bude izabran na poziciju direktora Zavoda, a koji je znanje o zdravstvenom menadžmentu, u konkursnoj proceduri, dokazivao certifikatom o obavljenoj edukaciji iz zdravstvenog menadžmenta operativni menadžment (osnovni nivo), obavezan je u roku od 24 mjeseca, računajući od dana imenovanja na poziciju direktora Zavoda, steći znanje iz zdravstvenog menadžmenta (napredni nivo) ili završiti specijalizaciju iz zdravstvenog menadžmenta odnosno završiti postdiplomski studij iz zdravstvenog menadžmenta.

Ukoliko zatečeni direktor Zavodu znanje o zdravstvenom menadžmentu dokazuje certifikatom o obavljenoj edukaciji iz zdravstvenog menadžmenta - operativni menadžment (osnovni nivo), obavezan je u roku od 24 mjeseca, računajući od dana stupanja na snagu Pravilnika o izmjenama pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove, steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta odnosno završiti postdiplomski studij iz zdravstvenog menadžmenta."

Član 5.

U članu 43. stav (7) mijenja se i glasi:

- "(7) Vlada Kantona Sarajevo će razriješiti predsjednika, člana odnosno članove Nadzornog odbora i prije isteka vremena za koje su imenovani u sljedećim slučajevima:

- a) ako se ne pridržava uputa i smjernica Osnivača,
- b) učestvuje u donošenju nezakonitih akata ii i odluka kojim se nanosi šteta Zavodu,
- c) podnese ostavku na mjesto predsjednika odnosno člana Nadzornog odbora Zavoda,
- d) ako se utvrdi da je odgovoran za neuspješan i nezakonit rad Zavoda,
- e) ako Skupština Kantona Sarajevo ne usvoji godišnji izvještaj o radu i finansijskom poslovanju Zavoda,
- f) svojim radom onemogućava ili otežava rad Nadzornog odbora Zavoda,
- g) prestane mu radni odnos u Zavodu, a imenovan je za člana Nadzornog odbora Zavoda iz reda stručnih radnika Zavoda,
- h) ako član Nadzornog odbora imenovan iz reda stručnih radnika Zavoda učini težu povredu radne dužnosti,
- i) imenovanjem za direktora zdravstvene ustanove koja ima status pravne osobe,
- j) neopravdanim izostankom sa dvije ili više sjednica Nadzornog odbora uzastopno ili sa više sjednica u toku uzastopnih šest (6) mjeseci,
- k) bude uposlen na drugoj izabranoj poziciji koja može utjecati na eventualni sukob interesa i
- l) smrću."

U istom članu dodaje se stav (8) koji glasi:

- "(8) U slučaju da dođe do prijevremenog razrješenja predsjednika, člana odnosno članova Nadzornog odbora, Vlada Kantona Sarajevo će istovremeno imenovati v.d. predsjednika i v.d. članove Nadzornog odbora, dok se ne provede zakonska procedura imenovanja".

Član 6.

Član 77. Statuta Javne ustanove Zavod za hitnu medicinsku pomoć Kantona Sarajevo se briše.

Član 7.

Ova odluka stupa na snagu danom donošenja od strane Upravnog odbora, a primjenjuje se od dana dobijanja saglasnosti Skupštine Kantona Sarajevo.

Broj 01-02-1209/16
23. marta 2016. godine
Sarajevo

Predsjednik
Upravnog odbora
Amra Bešlić, s. r.

Na osnovu čl. 13.b. i 18.b. Ustava Kantona Sarajevo ("Službene novine Kantona Sarajevo", br: 1/96, 2/96, 3/96, 16/97, 14/00, 4/01, 28/04, 31/04 i 16/13), člana 63. stav 3. Zakona o zdravstvenoj zaštiti ("Službene novine Federacije BiH", br. 46/10 i 75/13), člana 5. stav 1. Odluke o preuzimanju prava i obaveza osnivača i usklađivanju organizacije i poslovanja Javne ustanove Dom zdravlja Kanton Sarajevo ("Službene novine Kantona Sarajevo", br. 7/12, 49/13 i 50/13) i člana 170. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst, 15/13, 47/13 i 47/15), Skupština Kantona Sarajevo, na sjednici održanoj dana 10.05.2016. godine, donijela je

ODLUKU

O DAVANJU SAGLASNOSTI NA ODLUKU O IZMJENAMA I DOPUNAMA STATUTA JAVNE USTANOVE DOM ZDRAVLJA KANTONA SARAJEVO

I

Daje se saglasnost na Odluku o izmjenama i dopunama Statuta Javne ustanove Dom zdravlja Kantona Sarajevo broj 01-01-37-39/16 od 05.04.2016. godine, koja je sastavni dio ove Odluke.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-17779/16
10. maja 2016. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 63. i člana 65. Zakona o zdravstvenoj zaštiti ("Službene novine Federacije BiH", broj 46/10 i 75/13), člana 5. stav 1. Odluke o preuzimanju prava i obaveza osnivača i usklađivanju organizacije poslovanja Javne ustanove Dom zdravlja Kantona Sarajevo ("Službene novine Kantona Sarajevo", broj 07/12, 49/13, 50/13) i člana 107. Statuta Javne ustanove Dom zdravlja Kantona Sarajevo ("Službene novine Kantona Sarajevo", broj 40/13), Upravni odbor Javne ustanove Dom zdravlja Kantona Sarajevo, na Dvadesetdrugoj sjednici održanoj dana 05.04.2016. godine donosi

ODLUKU

O IZMJENAMA I DOPUNAMA STATUTA JAVNE USTANOVE DOM ZDRAVLJA SARAJEVO

Član 1.

U preambuli Statuta JU Dom zdravlja Kantona Sarajevo ("Službene novine Kantona Sarajevo", broj 40/13), vrše se dopune tako da se iza broja "46/10" dodaje i broj: "75/13", a iza broja: "7/12" dodaju se i brojevi: "49/13 i 50/13".

Član 2.

U članu 3. u stavu (2) Statuta, vrši se dopuna tako da se iza broja "46/10" dodaje i broj: "75/13".

Član 3.

U članu 16. u stavu (1) Statuta, dodaje se nova tačka 1) koja glasi:

"1) specijalističko-konsultativna djelatnost".

Član 4.

U članu 30. u stavu (6) Statuta, vrši se dopuna tako da se iza broja "34/03", dodaje i broj: "65/13", a iza riječi "Federalnim zakonom" stavlja se tačka ".", a ostali dio teksta se briše.

Član 5.

(Razrješavanje predsjednika i člana, odnosno članova Upravnog odbora)

Član 35. stav (1) Statuta, mijenja se i glasi:

"(1) Vlada Kantona Sarajevo će razriješiti predsjednika, člana, odnosno članove Upravnog odbora i prije isteka vremena za koje su imenovani, u slijedećim slučajevima:

- na njegov lični zahtjev;
- ako se utvrdi da je odgovoran za neuspješan ili nezakonit rad Doma zdravlja;
- ukoliko ne izvršava svoje Zakonom, Statutom, odnosno drugim općim aktom utvrđene obaveze, ili ne izvršava odluke Osnivača ili postupa u suprotnosti sa njima;
- u slučaju da Skupština Kantona Sarajevo ne usvoji godišnji izvještaj o radu i finansijskom poslovanju;
- ako nesavjesno, odnosno nemarno obavlja poslove iz nadležnosti predsjednika ili člana Upravnog odbora;
- ako se ne pridržava uputa i smjernica Osnivača:

- ako učestvuje u donošenju nezakonitih akata ili odluka kojim se nanosi šteta Domu zdravlja;
 - ako podnese ostavku na mjesto predsjednika, odnosno člana Upravnog odbora Doma zdravlja;
 - ako svojim radom onemogućava ili otežava rad Upravnog odbora Doma zdravlja;
 - ako svojim radom onemogućava ili otežava rad Nadzornog odbora Doma zdravlja;
 - ako mu prestane radni odnos u Domu zdravlja, a imenovan je za člana Upravnog odbora Doma zdravlja iz reda stručnih radnika Doma zdravlja;
 - ako član Upravnog odbora imenovan iz reda stručnih radnika Doma zdravlja učini težu povredu radne dužnosti;
 - imenovanjem za direktora zdravstvene ustanove koja ima status pravne osobe;
 - neopravdanim izostankom sa dvije ili više sjednica Upravnog odbora uzastopno ili sa više sjednica u toku uzastopnih 6 (šest) mjeseci;
 - ako bude uposlen na drugoj izabranoj poziciji koja može utjecati na eventualni sukob interesa;
 - smrću;
 - u drugim slučajevima utvrđenim zakonom i Statutom."
- U istom članu u stavu (2) Statuta, umjesto riječi "dva" treba da stoji riječ "tri."

Član 6.

(Nadležnost za korištenje sredstava Doma zdravlja)

Član 38. stav (2) Statuta mijenja se i glasi:

"(2) Generalni direktor Doma zdravlja ima sva ovlaštenja u pravnom prometu u okviru djelatnosti Doma zdravlja upisane u sudski registar, uz ograničenja utvrđena ovim Statutom:

- Generalni direktor Doma zdravlja raspoloživo finansijskim sredstvima utvrđenim Finansijskim planom Doma zdravlja usvojenim od strane Upravnog odbora na koji saglasnost daje Osnivač;
- Generalni direktor Doma zdravlja, u skladu sa Finansijskim planom Doma zdravlja i Planom nabavki Doma zdravlja, samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000 KM, a za nabavku radova čija je vrijednost procijenjena do iznosa 80.000 KM;
- Za zaključivanje pojedinačnih ugovora čija je vrijednost procijenjena na iznose preko 50.000 KM za nabavku roba i usluga, odnosno preko 80.000 KM za nabavku radova, generalnom direktoru Doma zdravlja je potrebna prethodna saglasnost Upravnog odbora Doma zdravlja;
- Za finansijska sredstva koja se odnose na plaće zaposlenika i druga prava zaposlenika iz radnog odnosa koja nemaju karakter plaće, generalni direktor Doma zdravlja odlučuje u skladu sa Finansijskim planom Doma zdravlja, Pravilnikom o radu, unutrašnjoj organizaciji i sistematizaciji radnih mjesta Doma zdravlja i drugim općim aktima kojima su regulisana prava iz radnog odnosa;
- Za finansijska sredstva koja se odnose na isplate po osnovu: edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, generalni direktor Doma zdravlja može samostalno odlučivati za svaki pojedinačni vid izdataka, u iznosu do 5.000 KM, a za iznose preko 5.000 KM potrebna mu je prethodna saglasnost Upravnog odbora Doma zdravlja, u skladu sa Finansijskim planom Doma zdravlja, Pravilnikom o radu, unutrašnjoj organizaciji i sistematizaciji radnih mjesta Doma zdravlja i drugim općim aktima kojima je regulisano naprijed navedeno."

Član 7.

(Uslovi koje mora ispunjavati lice koje kandidira za poziciju generalnog direktora)

Član 39. stav (1) Statuta mijenja se i glasi:

Za generalnog direktora Doma zdravlja imenuje se lice:

- "a) koje je starije od 18 godina;
- b) da nije otpušteno iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
- c) da se na njega/nju ne odnosi član IX. stav 1. Ustava Bosne i Hercegovine;
- d) koje ima završen medicinski fakultet ili stomatološki fakultet, odnosno farmaceutsko-biohemijski fakultet i jednu od specijalizacija iz okvira djelatnosti Doma zdravlja ili završen medicinski fakultet sa specijalizacijom iz socijalne medicine, organizacije i ekonomike zdravstva;
- e) da ima najmanje pet godina radnog iskustva u struci;
- f) da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta;
- g) da ima program rada i razvoja Doma zdravlja u izbornom periodu, koji treba da sadrži prijedlog stručnih i ekonomskih parametara razvoja."

Član 8.

(Znanje iz oblasti zdravstvenog menadžmenta)

Član 40. stav (1) tačka a) Statuta mijenja se i glasi:

"a) znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta (osnovni nivo), a u roku od 24 mjeseca, računajući od dana imenovanja na poziciju generalnog direktora, potrebno je da generalni direktor stekne znanje iz zdravstvenog menadžmenta (napredni nivo), ili završi specijalizaciju iz zdravstvenog menadžmenta, odnosno završi postdiplomski studij iz zdravstvenog menadžmenta, sukladno propisima o kontinuiranoj profesionalnoj edukaciji iz zdravstvenog menadžmenta (napredni nivo), odnosno specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta, u skladu sa Pravilnikom o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove ("Službene novine Federacije BiH", broj 10/12, 15/13, 90/13, 83/15 i 22/16)."

U istom članu i istom stavu Statuta dodaje se nova tačka b) koja glasi:

"b) ukoliko zatečeni generalni direktor znanje o zdravstvenom menadžmentu dokazuje certifikatom o obavljenoj edukaciji iz zdravstvenog menadžmenta - operativni menadžment (osnovni nivo), obavezan je u roku od 24 mjeseca, računajući od dana stupanja na snagu Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove ("Službene novine Federacije BiH", broj 83/15), steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta, odnosno završiti postdiplomski studij iz zdravstvenog menadžmenta.

U istom članu i istom stavu Statuta dosadašnja tačka b) postaje tačka c).

Član 9.

(Slučaj razrješenja generalnog direktora dužnosti i prije isteka mandata na koji je imenovan od strane Upravnog odbora)

U članu 43. u stavu (2) Statuta dodaje se nova tačka i) koja glasi:

"i) Skupština Kantona Sarajevo ne usvoji godišnji izvještaj o radu i finansijskom poslovanju JU Dom zdravlja Kantona Sarajevo."

Član 10.

U članu 54. vrši se dopuna tako da se iza broja "34/03", dodaje i broj: "65/13".

Član 11.

(Imenovanje i razrješavanje predsjednika, člana, odnosno članova Nadzornog odbora prije isteka vremena)

Član 57. mijenja se i glasi:

- (1) Imenovanje i razrješavanje predsjednika, člana, odnosno članova Nadzornog odbora vrši se na isti način i pod istim kriterijima kao i kod Upravnog odbora.
- (2) Vlada Kantona Sarajevo će razriješiti predsjednika, člana, odnosno članove Nadzornog odbora i prije isteka vremena za koje su imenovani, u slijedećim slučajevima:
 - a) na njegov lični zahtjev;
 - b) ako se utvrdi da je odgovoran za neuspješan ili nezakonit rad Doma zdravlja;
 - c) ukoliko ne izvršava svoje zakonom, Statutom, odnosno drugim općim aktom utvrđene obaveze, ili ne izvršava odluke Osnivača ili postupa u suprotnosti sa njima;
 - d) u slučaju da Skupština Kantona Sarajevo ne usvoji godišnji izvještaj o radu i finansijskom poslovanju;
 - e) ako nesavjesno, odnosno nemarno obavlja poslove iz nadležnosti predsjednika ili člana Nadzornog odbora;
 - f) ako se ne pridržava uputa i smjernica Osnivača;
 - g) ako učestvuje u donošenju nezakonitih akata ili odluka kojim se nanosi šteta Domu zdravlja;
 - h) ako podnese ostavku na mjesto predsjednika, odnosno člana Nadzornog odbora Doma zdravlja;
 - i) ako svojim radom onemogućava ili otežava rad Nadzornog odbora Doma zdravlja;
 - j) ako svojim radom onemogućava ili otežava rad Upravnog odbora Doma zdravlja;
 - k) ako mu prestane radni odnos u Domu zdravlja, a imenovanje za člana Nadzornog odbora Doma zdravlja iz reda stručnih radnika Doma zdravlja;
 - l) ako član Nadzornog odbora imenovan iz reda stručnih radnika Doma zdravlja učini težu povredu radne dužnosti;
 - l) imenovanjem za direktora zdravstvene ustanove koja ima status pravne osobe;
 - lj) neopravdanim izostankom sa dvije ili više sjednica Nadzornog odbora uzastopno ili sa više sjednica u toku uzastopnih 6 (šest) mjeseci;
 - m) ako bude uposlen na drugoj izabranoj poziciji koja može utjecati na eventualni sukob interesa;
 - n) smrću;
 - nj) način izbora, opoziva i mandat predsjednika i mandat članova Nadzornog odbora Doma zdravlja vrši se u skladu sa propisima o ustanovama, ako Federalnim zakonom nije drugačije određeno.
- (3) U slučaju da dođe do privremenog razrješenja predsjednika, člana odnosno članova Nadzornog odbora, Vlada Kantona Sarajevo će istovremeno imenovati v.d. predsjednika i v.d. članove Nadzornog odbora, na period od najviše tri mjeseca, dok se ne provede zakonom propisani postupak imenovanja."

Član 12.

U članu 84. u stavu (1) tačka q) se briše. Dosadašnje tačke r) i s) postaju tačke q) i r).

Član 13.

(Stupanje na snagu)

Stupanjem na snagu ove Odluke prestaje da važi Odluka o izmjenama i dopunama Statuta Javne ustanove Dom zdravlja Kantona Sarajevo broj 01-01 -37-2/16 od 04.01.2016. godine.

Odluka o izmjenama i dopunama Statuta Javne ustanove Dom zdravlja Kantona Sarajevo stupa na snagu danom donošenja

od strane Upravnog odbora Ustanove, a primjenjuje se od dana dobivanja suglasnosti od strane Skupštine Kantona Sarajevo.

Broj 01-01-37-39/16
05. aprila 2016. godine

Sekretar
Upravnog odbora
Samir Felah, s. r.

v.d. Predsjednik
Upravnog odbora
Elvesta Mulahasanović, s. r.

Na osnovu člana 18. stav 1. tačka h) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo na sjednici održanoj dana 10.05.2016. godine, usvojila je

IZVJEŠTAJ

O IZVRŠAVANJU BUDŽETA KANTONA SARAJEVO ZA PERIOD 01.01. DO 31.12.2015. GODINE

I

Budžet Kantona Sarajevo za 2015. godinu ("Službene novine Kantona Sarajevo", br. 13/15 i 35/15) izvršen je u periodu od 01.01. do 31.12.2015. godine kako slijedi:

RAČUN PRIHODA I RASHODA

I - PRIHODI I FINANSIRANJE

2015. GODINA	677.426.507
1.1 Prihodi	648.652.430
1.2 Kapitalni primici	920.825
1.3 Finansiranje	27.853.252
II - RASHODI I IZDACI PERIODA	663.124.399
III - SUFICIT/DEFICIT PERIODA I-II	14.302.108
IV - AKUMULIRANI DEFICIT NA DAN 31.12.2014 GODINE	- 90.520.756
V - KOREKCIJA AKUMULIRANOG DEFICITA PO MRS 8	2.629.000
VI - AKUMULIRANI DEFICIT (IV+V)	-87.891.756
VII - AKUMULIRANI DEFICIT NA DAN 31.12.2015 GODINE (III+VI)	-73.589.648

II

Pregled planiranih i ostvarenih prihoda i primitaka te rashoda i izdataka, početnog i završnog stanja Jedinственог računa trezora, početnog i završnog stanja imovine i izvora vlasništva te podaci o stanju potraživanja, obaveza i zaduživanja Budžeta Kantona Sarajevo za period 01.01. do 31.12.2015. godine čini sastavni dio ovog Izvještaja iz tačke I ovog Zaključka.

III

Ovaj Izvještaj će se objaviti u "Službenim novinama Kantona Sarajevo".

Broj 01-14-17796/16
10. maja 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Obrazloženje

Pravni osnov

Na osnovu čl. 90. i 96. Zakona o budžetima u Federaciji Bosne i Hercegovine ("Službene novine Federacije BiH", br. 102/13; 09/14 - Ispravka; 13/14, 08/15 i 91/15), utvrđena je obaveza ministra finansija da dostavi Vladi tromjesečni, polugodišnji i devetomjesečni finansijski izvještaj u roku 40 dana po isteku obračunskog perioda, a do 25. aprila da dostavi Izvještaj o izvršavanju budžeta za prethodnu godinu, a Vlada ga je obavezna podnijeti na usvajanje Skupštini Kantona Sarajevo u roku od šest mjeseci od završetka fiskalne godine na koji se izvještaj odnosi.

Razlozi donošenja

U decembru 2014. godine usvojena je Odluka o privremenom finansiranju potreba Kantona Sarajevo za period od 01.01. do 31.03.2015. godine u iznosu od 152.171.745 KM.

U martu 2015. godine usvojen je Budžet Kantona Sarajevo za period 2015. godine ("Službene novine Kantona Sarajevo", broj 13/15) u iznosu 737.300.000 KM.

U septembru 2015 godine usvojene su Izmjene i dopune Budžeta Kantona Sarajevo za 2015. godinu ("Službene novine Kantona Sarajevo", broj 35/15) gdje usvojeni Budžet za 2015. godinu korigovan, tako da nakon usvojenih izmjena i dopuna Budžet Kantona Sarajevo za 2015. godine iznosi 690.022.000 KM. U periodu do 31.12.2015. godine Budžet Kantona Sarajevo je uvećan za neplanirane donacije i transfere u iznosu 2.810.870 KM. Unos sredstava odobren je u skladu sa članom 14. stav 3. Zakona o izvršavanju Budžeta Kantona Sarajevo za 2015. godinu, tako da je Budžet u mjesecu Decembru 2015. godine iznosio 692.832.870 KM.

U periodu 01.01. do 31.12.2015. godine ostvareni su prihodi i primici u iznosu **677.426.507 KM**, a izvršeni rashodi i izdaci u iznosu **663.124.399 KM**. Na osnovu ostvarenih prihoda i primitaka i izvršenih rashoda i izdataka ostvaren je suficit u posmatranoj godini u iznosu od 14.302.108 KM, ukoliko ovaj iznos stavimo u odnos sa deficitom na dan 31.12.2014 godine u iznosu od -87.891.756 KM dobijemo da deficit Budžeta Kantona Sarajevo na dan 31.12.2015 godine iznosi **-73.589.648 KM**

Prihodi i rashodi perioda planirani Budžetom Kantona Sarajevo za 2015. godinu, te njihovo ostvarenje u periodu 01.01 do 31.12.2015. godine poređeno sa Budžetom Kantona Sarajevo za 2015. godinu dati su u grafičkom pregledu koji slijedi: